

Na Presidente di Parlamento
Sr. drs. Pauldrick Croes

Aruba, 10 december 2012



Topico: preguntanan relaciona cu e Ley di medio ambiente

Repsetable Sr. Presidente,

Pa medio di e carta aki mi kier haci un peticion na bo persona pa entrega e siguiente preguntanan na **Minister di Medio Ambiente y nos Minister President**, a base di articulo III.7 di nos Constitucion y articulo 59 di e Reglamento di Ordo di Parlamento.

Atentamente,

A handwritten signature in blue ink, appearing to read 'Ruiz'.

mr. Xiomara Ruiz-Maduro

Preguntanan pa Minister di Medio Ambiente y Minister President

Nos a compronde cu Gobierno ta trahando riba e Ley di medio ambiente y cu na juni 2012 caba a tuma lugar un hoorzitting na unda cu entre otro gruponan ambiental por a duna nan comentario riba e Ley. Mas cu 6 luna a pasa caba y nos no a tende Gobierno bisa nada mas riba e Ley aki y Parlamento tampoco a recibi e concepto di Ley aki.

Mientrastanto na Aruba Gobierno ta ehecutando proyectonan cu tin impacto riba nos medio ambiente. Asina nos ta mira cu Valero lo bay dirigi su mes riba transshipment. Repsol lo bay haci sondeo y posibel exploracion pa gas y azeta den nos awanan teritorial. Na Urirama e medio ambiente ta wordo destrosa pa acomoda un segundo parke di molina di biento. Banda di esaki nos ta mira un crecemento di dumpnan ilegal y un Parkietenbos cu cada ves ta wordo cendi na candela.

En bista di esaki, mi tin e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Minister por splica nos con leu e preparacion di e Ley di medio ambiente ta?
2. Minister por splica pa ki tempo Parlamento por recibi e concepto di Ley aki?
3. Minister por splica kiko, den ausencia di un Ley di medio ambiente, a wordo palabra cu Valero pa evita cu e trabounan di transshipment por causa daño na nos medio ambiente?
4. Minister por splica kiko ta e pasonan cu lo ser tuma si acaso algo bay robes cu e trabounan di transshipment y nos medio ambiente sufri daño?
5. Minister por splica kiko, den ausencia di un Ley di medio ambiente, a wordo palabra cu Repsol pa evita cu e trabounan di sondeo y exploracion por causa daño na nos medio ambiente?
6. Minister por splica kiko ta e pasonan cu lo ser tuma si acaso algo bay robes cu e trabounan di sondeo y exploracion y nos medio ambiente sufri daño?
7. Minister por splica kiko ta wordo haci pa evita e daño ambiental cu ta wordo haci awor aki na Urirama?
8. Minister por indica kiko ta wordo haci na Parkietenbos, den ausencia di un Ley di medio ambiente, pa sania e medio ambiente rond di e dump aki?
9. Minister por indica kiko ta wordo haci, den ausencia di un Ley di medio ambiente, pa sania e medio ambiente rond di e dumpnan ilegal?

Mi ta spera di por recibi contesta riba e preguntanan aki den **por escrito**, mas pronto cu ta posibel.

Atentamente,


mr. Xiomara Ruiz-Maduro
Parlamentario Fraccion MEP